

Sarajevo, 27-04-2022  
Broj: 01-11-3-19724

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-18639 od 21.04.2022. godine, Generalna direktorica donosi:

### **ODLUKU**

o izboru najpovoljnijeg ponuđača za  
„nabavku molersko-zidarskih i podopolagačkih materijala za potrebe KCUS-a“

#### **I**

**Prihvata se prijedlog Komisije** za „Nabavku molersko-zidarskih i podopolagačkih materijala za potrebe KCUS-a“, po Izvještaju br. 10-33-4-18639 od 21.04.2022. godine, nakon provedenog konkurentskog zahtjeva javne nabavke, objavljenog na portalu e-nabavke dana 29.03.2022. godine pod br. 893-7-1-198-3-174/22 i okvirni sporazum na period od 12 mjeseci za sukcesivnu isporuku roba navedenih u specifikaciji/listi **odjeljuje najpovoljnijem ponuđaču:**

#### **CREDIBIL COMPANY d.o.o. Sarajevo**

<b>Vrijednost okvirnog sporazuma bez PDV-a:</b>	<b>46.648,00 KM</b>
<b>Iznos PDV-a 17 %:</b>	<b>7.930,16 KM</b>
<b>Vrijednost okvirnog sporazuma sa PDV-om:</b>	<b>54.578,16 KM</b>

- Specifikacija/lista roba (molersko-zidarskih i podopolagačkih materijala) sa jediničnim cijenama usklađenim nakon provedene e-aukcije (umanjenim za 4,8%)
- Uslovi plaćanja: u roku od 60 dana od dana isporuke i ispostavljanja računa
- Rok isporuke: 10 dana od dana prijema narudžbenice

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

### **OBRAZLOŽENJE**

U skladu sa Odlukom Generalne direktorice KCUS-a broj: 58-11-3-13664-1 od 23.03.2022 godine, pokrenut je postupak javne nabavke za „Nabavku molersko-zidarskih i podopolagačkih materijala za potrebe KCUS-a“. Procijenjena vrijednost nabavke je 49.000,00 KM bez PDV-a. Predviđeno je zaključivanje okvirnog sporazuma za period od 12 mjeseci sa jednim dobavljačem i sukcesivna isporuka prema potrebama više OJ KCUS-a. Nabavka je planirana Planom javnih nabavki za 2022. godinu pod klasifikacijom „robe“ redni br. 18 (Odluka o usvajanju privremenog Plana javnih nabavki Kliničkog centra Univerziteta u Sarajevu za 2022 godinu, broj: 81/22 protokol br. 65-04-2-1874/22). Uslovi plaćanja predviđeni za postupak nabavke su plaćanje u roku 60 dana od dana isporuke robe i ispostavljanja računa (na osnovu dopisa Sektora za računovodstvo, plan i analizu br.56-11-3-2265/21).

Klinički centar Univerziteta u Sarajevu je na portalu e-nabavke 29.03.2022. godine objavio Obavještenje o nabavci broj: 893-7-1-198-3-174/22, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 11 (jedanaest) potencijalnih ponuđača, a do krajnjeg roka određenog za prijem ponuda, dana 08.04.2022. godine do 11 h i 30 minuta, dostavljene su 3 (tri) ponude ponuđača:

*[Handwritten signature]*

PODACI IZ PONUDE	1.	2.	3.
Naziv ponuđača	Kula-mont d.o.o. Zenica	Cospex d.o.o. Zenica	Credibil Company d.o.o. Sarajevo
Broj protokola, datum i vrijeme zaprimanja ponude	10-11-3-15528 04.04.2022. u 11,00 h	10-11-3-16342 07.04.2022. u 9 h i 34 min.	10-11-3-16608 08.04.2022. u 9 h i 32 min.
Cijene dostavljenih ponuda bez PDV-a u KM	48.927,12 (sa popustom 14%)	52.660,40	49.000,00

Komisija imenovana Odlukom broj: 58-04-4-14665 od 29.03.2022. godine je izvršila **detaljnu analizu i ocjenu ponuda** i Zapisnikom o pregledu i ocjeni ponuda br. 10-33-4-18638 od 21.04.2022. godine **konstatovala da :**

-Ponuda ponuđača **Kula-mont d.o.o. Zenica** nije prihvatljiva jer **nije dostavljena u skladu sa tačkom 2.1 pod 3.** Tenderske dokumentacije, odnosno ponuđač u svojoj ponudi nije dostavio Aneks 2. -Obrazac za cijenu ponude. Prema TD tačka 2. Uslov za učešće i potrebni dokazi 2.1 (od 1 do 12) stoji Napomena: **Ponuda mora sadržavati sve navedene dokumente u originalu ili ovjerenoj kopiji** (ovjerenjena kopija originala podrazumijeva kopiju originalnog dokumenta ovjerenu kod nadležnog organa – organ uprave ili notar, u daljem tekstu ovjerenjena kopija), **u suprotnom će se smatrati nepotpunom i neće biti uzeta u dalje razmatranje. Neprilaganje bilo kojeg dokaza i/ili izjave diskvalifikuje ponuđača.**

Nadalje, tačkom 2. Uslovi za učešće i potrebni dokazi tačka 2.1. pod 4. *Popunjene sve Anekse na originalnim obrascima iz tenderske dokumentacije (Aneks 3; Aneks 4 i Aneks 5) i tačka 2.3. Ostali uslovi za kvalifikaciju stoji "Uz ponudu dostaviti originalne Anekse 2 i 3, odnosno obrazac za ocjenu ponude i tehničku specifikaciju preuzete sa portala JN, u PDF formatu, ručno popunjene neizbrisivom tintom i Uz ponudu također dostaviti tehničku specifikaciju - Aneks 3 preuzet sa portala JN elektronski obrađen – popunjen u MS Excelu i pohranjen na CD-u ili USB sticku".* Ponuđač nije ispunio navedene uslove jer u svojoj ponudi nije dostavio popunjen Aneks 3 (tehnička specifikacija) na originalnom obrascu. Dostavljeni Aneks 3 je isprintan iz MS Excela što nije u skladu sa navedenim zahtjevima.

Na osnovu gore navedenog Komisija je konstatovala da ponuda ponuđača Kula-mont d.o.o. Zenica ne ispunjava formalno pravne zahtjeve, postavljene tenderskom dokumentacijom, pa je neprihvatljiva i ne može učestvovati u daljem toku natjecanja.

-**Ponuđač Cospex d.o.o. Zenica** je dostavio ponudu koja za određene stavke ima neprirodno niske cijene u odnosu na trenutne tržišne cijene, pa je Komisija u skladu sa članom 66. stav 1. Zakona o javnim nabavkama (Sl.gl. BiH 39/14) i Članu 18. stav 7. Uputstva za pripremu modela tenderske dokumentacije zatražio obrazloženje za isto. Zahtjevom br. 10-33-4-16670-2/22 zatraženo je obrazloženje za neprirodno niskih cijene za robe pod rednim brojem 19, 32, 34, 50, 77, 78 110 i 111, a ponuđač je u određenom roku dostavio isto. Zahtjev i odgovor su u prilogu ovog Zapisnika.

Komisija je konstatovala da dostavljena ponuda ispunjava formalno pravne, tehničke i suštinske zahtjeve, pa je ponuda ocijenjena kao prihvatljiva, te može biti predmet vrednovanja i može učestvovati u daljem toku natjecanja.

-**Ponuđač Credibil Company d.o.o. Sarajevo** je dostavio ponudu koja za određene stavke ima neprirodno niske cijene u odnosu na trenutne tržišne cijene, pa je Komisija u skladu sa članom 66. stav 1. Zakona o javnim nabavkama (Sl.gl. BiH 39/14) i Članu 18. stav 7. Uputstva za pripremu modela tenderske dokumentacije zatražio obrazloženje za isto. Zahtjevom br. 10-33-4-16670-2/22 zatraženo je obrazloženje za neprirodno niskih cijene za robe pod rednim brojem 49, 69, 74, 75, 76, 84, 110, 111, 92, 93, 94, 95, 96, 98, 99, 100, 112, 118, 124 i 131, a ponuđač je u određenom roku dostavio isto. Zahtjev i odgovor su u prilogu ovog Zapisnika.

Komisija je konstatovala da dostavljena ponuda ispunjava formalno pravne, tehničke i suštinske zahtjeve, pa je ponuda ocijenjena kao prihvatljiva, te može biti predmet vrednovanja i može učestvovati u daljem toku natjecanja.

U tenderskoj dokumentaciji, kao i u Obavještenju o nabavci objavljenom dana 29.03.2022.godine pod brojem 893-7-1-198-3-174/22, predviđena je e-aukcija.

Imajući u vidu naprijed navedeno, odnosno da su dostavili prihvatljive ponude koje mogu biti predmet daljeg toka natjecanja, Komisija predlaže da se e-aukcija zalaže sa ponuđačima Cospex d.o.o. Zenica i Credibil Company d.o.o. Sarajevo kako slijedi:

PODACI IZ PONUDE	1.	2.
Naziv ponuđača	Cospex d.o.o. Zenica	Credibil Company d.o.o. Sarajevo
Broj protokola, datum i vrijeme zaprimanja ponude	10-11-3-16342 07.04.2022. u 9 h i 34 min.	10-11-3-16608 08.04.2022. u 9 h i 32 min.
Cijena ponude bez PDV-a (KM)	52.660,40	49.000,00

E-aukcija je zakazana za 18.04.2022. godine sa početkom u 12,00 sati i provedena putem portala [www.ejn.gov.ba](http://www.ejn.gov.ba) i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16). U prilogu je Izvještaj o toku i završetku e- aukcije koji čini sastavni dio ovog Izvještaja.

Tabelarni pregled ponuda nakon okončane e-aukcije:

Red. Br.	Naziv ponuđača	Cijena ponuda prije e-aukcije	Cijena ponuda nakon e-aukcije	Umanjenje cijene
1.	Credibil Company d.o.o. Sarajevo	49.000,00 KM	46.648,00	4,8%
2.	Cospex d.o.o. Zenica	52.660,40 KM	46.740,00	11,24%

Tabelarni prikaz jediničnih cijena ponuđača Credibil Company d.o.o. Sarajevo nakon provedene e-aukcije je u prilogu Zapisnika o pregledu i ocjeni.

Uzimajući u obzir naprijed navedeno, a nakon provedene e-aukcije, Komisija predlaže da se okvirni sporazum za „Nabavka molersko-zidarskih i podopolagačkih materijala za potrebe KCUS-a” dodijeli ponuđaču Credibil Company d.o.o. Sarajevo sa ponuđenim cijenama usklađenim nakon provedene e-aukcije (umanjenim za 4,8%) i ukupnom vrijednosti okvirnog sporazuma u iznosu od 46.648,00 KM bez PDV-a.

Prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**  
**Prof.dr. Sebija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđačima;  
- Tehnički sektor  
- a/a KCUS